


Adunay Labing Maayong Dalan



Ni Leona Williams

Nawad-an Ba Ikaw Sa Kadasig Ug Nalisang?

Si Jesu-Cristo maga dasig ug magalipay kanimo. “Kaninyo ibilin ko ang kalinaw, kaninyo ihatag ko ang akong kalinaw, hatagan ko kamo niini dili sama sa hinatagan sa kalibutan. Kinahanglan dili magkaguol ang inyong kasingkasing, ni magtalaw.” Juan 14:27

Wala Ba Ikaw Kalipay Ug Nagamagul-anon?

“Igapakita mo kanako ang dalan sa kinabuhi; Sa imong prescencia ana-a ang kahupnganan sa kalipay; Sa imong toong kamot adunay mga kalipayan nga sa walay katapusan.” Salmo 16:11

Gikapoyan Ug Maloyahon Ba Ikaw?

Si Jesu-Cristo magahatag kanimo sa kapahulayan. “Umari kanako, kamong tanan nga nabudlay ug nabug-atan, ug papahulayon ko kamo.” Mateo 11:28

Nahadlok Ba Ikaw?

Si Jesu-Cristo nagahatag kanimo sa kaisog. “Ayaw kahadlok, kay ania ako uban kanimo; ayaw pagtalaw, kay ako mao ang imong Dios; palig-onon ko ikaw, oo buligan ko ikaw; oo ituboy ko ikaw sa toong kamot sa akong pagkamatarung.” Isaias 41:10

Nagmasulob-on Ba Ikaw Ug Walay Higala?

Si Jesu-Cristo mao ang imong kauban. “Kay siya mao gayud ang nag-ingon, ‘Dili ko gayud ikaw pagapahikabsan ni pagabiyaan.’” Mga Hebreohanon 13:5b

Gibug-atan Ba Ikaw Sa Sala?

Si Jesu-Cristo magapasaylo kanimo. “Diha kaniya kita may katubsanan pinaagi sa iyang dugo, may kapsaylo-an alang sa atong mga paglapas, sumala sa kadagaya sa grasya sa Dios.” Mga Taga-Efeso 1:7

Naga Masakiton Ba Ang Imong Lawas?

Si Jesu-Cristo magaaayo kanimo. “Ug ang pagampo nga inubanag pagtoo magaaayo sa masakiton, ug siya pagabangonon sa Ginoo; ug kon siya makasala man, siya pagapasayloon.” Santiago 5:15

Si Jesu-Cristo Mianhi Sa Paghatag Ug Maayong Dalan.

“Si Jesu-Cristo mitubag kaniya, ‘Ako mao ang dalan, ug ang kamatuoran, ug ang kinabuhi; walay bisan kinsa nga makaadto sa Amahan, gawas kon pinaagi kanako.’” Juan 14:6

Dawata Si Jesu-Cristo Nga Imong Manluluwas Karon!

“Apan sa tanang midawat kaniya, sa tanang mitoo sa iyang ngalan, kanila naghatag siyag kagahum sa pagkahimong mga anak sa Dios.” Juan 1:12

Maga-ampo Kita:

Minahal kong Jesu-Cristo, nasayud ako nga adunay labing maayong dalan nga akong pagalaktan. Nagahinulsol ako sa akong mga sala, ug ginadawat ko Ikaw nga akong personal na Manluluwas. Amen.

Karon Nadawat Ko Na Si Jesu-Cristo Nga Akong Personal Nga Manluluwas.

Ngalan _____ Petsa _____

Puloy-an _____
